

冊一 數部	漢書門	番號
	經	
	書	



欽定儀禮義疏卷第四十

有司徹第十七之二

上賓洗爵以升酌獻尸。尸拜受爵。賓西楹西北
面拜送爵。尸奠爵于薦左。賓降。

正義 鄭氏康成曰。上賓。賓長也。謂之上賓。以將獻異之。

或謂之長賓。奠爵爵止也。賈氏公彥曰。尸不舉者。以

三獻訖。正禮終。欲使神惠均於庭。徧得獻。乃舉之。故下

文主人獻及衆賓以下訖。乃作止爵。敖氏繼公曰。拜

所載三
面拜送
爵尸奠
爵于薦
左賓降

有司徹
第十七
之二

受爵亦於筵上也。尸於三獻而奠爵亦欲助祭。皆受獻也。薦左醢東也。不奠于右為妨往來及行禮也。

通論 賈氏公彥曰。特牲禮尸在室內始行三獻未行致

爵。主爵欲得神惠均於室。此少牢賓尸禮室內已行

三獻至此主婦又已致爵于主人訖賓尸又在堂故爵

止者欲得神惠均於庭與特牲正祭異也。

右上賓獻尸尸爵止

主人降洗解尸侑降主人奠爵于筐辭尸對卒

洗。挂尸升。侑不升。解舊本作爵依石經及敖本改正下節有訛者並同

正義 鄭氏康成曰。侑不升尸禮益殺不從。敖氏繼公

曰。侑不升者酬禮不及已升嫌也。郝氏敬曰。特牲尸

無酬此酬者尸為賓故也。

主人實解酬尸。東楹東北面坐奠爵拜。尸西楹

西北面答拜。坐祭遂飲。卒爵拜。尸答拜。降洗。尸

降辭。主人奠爵于筐對卒洗。主人升。尸升。主人

實解。尸拜受爵。主人反位答拜。尸北面坐奠爵

于薦左尸侑主人皆升筵。

賈氏公彥曰。特性及下不賓尸。皆無酬尸之事。此特有之。由賓尸如與賓客飲酒。故有酬。鄭氏康成曰。降洗者主人。敖氏繼公曰。卒洗亦揖乃升。主人實解亦北面于尸之席前。尸階上拜。乃進受之。而反位。主人既答拜。尸乃進北面奠爵薦左。其昌本之東。與酬而受解者。大夫之禮異於士也。主人於尸爵止之後。卽舉解以酬尸者。宜終尸禮。乃可以獻助祭者也。侑升堂之節。其在尸奠爵之時乎。

解以爵而酬以解。故於此用解。經中解爵闕出者。既著所實者之爲解。則爵字無嫌於通用也。上文賓主三獻之爵。尸奠于薦左。待後舉者也。此主人酬解。尸亦奠于薦左。兩者俱在左。則解當少南。而先奠者在北。又上文主人酬尸。故尸升而侑不升。酬尸畢。故侑升與尸主人皆就筵。爲薦羞節至也。

賈氏公彥曰。神惠右不舉。下經二人舉解。示尸侑。

循奠解于右是也。主人酬賓，賓奠于左，亦是神惠，故所舉之，特牲及不賓尸，皆有酬賓，同是神惠，故皆奠于左也。

案此解終不舉。賈氏謂卽舉之，繆也。此主人酬尸，尸奠于薦左，下經二人舉解于尸，侑侑奠于薦右，皆不舉者也。而或于左，或于右，則不可以神惠，右不舉之說，概之矣。賈氏篤信鄭注，治經之家法也。然豈可誣經文以強就之乎。

右主人酬尸尸奠酬

乃羞宰夫羞房中之羞于尸，侑主人主婦皆右之。司士羞庶羞于尸，侑主人主婦皆左之。

正義鄭氏康成曰：二羞所以盡歡心，房中之羞，其籩則

糗餌粉餈。賈疏：天官籩人羞籩之實。注云：合蒸曰餌，餅之曰餈。此二物皆粉稻黍米所爲也。糗者

持粉熬大豆爲餌，餈之粘着以粉之耳。餌言糗，餈言粉，互相足是也。其豆則醢食糝食。賈疏：醢人羞豆之實。注云：醢，糝也。內則云：取稻米舉，淫波之

小切狼臠膏，以與稻米爲饗。又云：糝，取牛羊豕之肉，三如一。小切之與稻米，稻米二。庶羞，羊臠豕臠，皆有醢醢肉。合以爲餅煎之是也。

次定義禮義流 卷四十一 有司徹

賈疏公食大夫禮。膳饗炙。載此直云膳饗。不言炙者。彼是食禮。故庶羞並陳。此飲酒之禮。燔炙前已從獻。故止有膳饗。房中之羞。內羞也。賈疏。下不賓尸。內羞在右。云。內羞在右。

陰也。庶羞在左。陽也。賈疏。內羞是穀物。故云陰。庶羞是牲物。故云陽。大宗伯職。天產作陰。地產作陽德。 敖氏繼公曰。房中之羞。饌于房者也。言房中

以別于庶羞。明庶羞不自房來也。室中饋食之禮。庶羞亦設于薦豆之左。則庶羞在左。乃其常處。庶羞左。則內羞右亦宜矣。庶羞之物。恐亦不過載醢而已。注以羞邊羞豆之實。為此房中之羞。亦恐或然。但未必其俱用之也。

右羞于尸。侑主人。主婦。

主人降。南面拜。眾賓于門東。三拜。眾賓門東北

面皆答壹拜。注。今文。壹為一。

鄭氏康成曰。拜于門東。明少南就之也。 敖氏繼

公曰。助祭之賓。主黨也。故主人降拜之。而尸侑不從。與

鄉飲酒鄉射之禮異也。未獻之前。眾賓位在門東。亦大

夫禮之異於士者。主人三拜。旅眾賓。眾賓答一拜。大夫

士之禮同。

自此至主人就筵。皆主人酌獻庭中房中之事。所謂均神惠也。凡七節。獻長賓一也。獻衆賓二也。主人自酌于長賓三也。酬長賓四也。獻兄弟五也。獻內賓六也。獻私人七也。

鄭氏康成曰。言三拜者。衆賓賤旅之也。

賈疏。旅衆也。衆賓共

得三拜也。衆賓一拜。賤也。卿大夫尊。賓賤。純臣也。位在門東。

賈疏。特牲記云。公有司門西北。面東上。獻次衆賓。私臣門東北。面西上。獻次兄弟。此賓皆在門東。故云純臣也。

三拜衆賓。衆賓皆答一拜。鄉飲鄉射特牲禮皆然。不專以大夫尊而衆賓賤也。衆賓亦不必皆臣。士與公有司當竝有焉。位則俱在門東。以西方爲尸侑之位。故助祭者初皆位于東耳。蓋尸侑受賓禮者也。主人以下至助祭諸人。則皆賓之者也。

主人洗爵。長賓辭。主人奠爵于篚。興對。卒洗。升酌獻賓于西階上。長賓升拜受爵。主人在其右北面答拜。

敖氏繼公曰。長賓辭亦北面。蓋於門東少進也。主人已酌。長賓乃升。遠下尸也。獻賓當西南面。

長賓於門東少進。當近於洗。稍南。

宰夫自東房薦脯醢。醢在西。司士設俎于豆北。

羊胛一。腸一。胃一。切肺一。膚一。注古文。胛為胛。

正鄭氏康成曰。羊胛。羊左胛。上賓一體。賤也。薦與設

俎者。既則俟于西序端。賈疏。鄉飲酒。司正升相。受酬者降席。司正退立于序端。然則

先事既設。後事未至。其退立之位。當在于序端。知此不降者。下文賓執祭以降。宰夫執薦以從。司士執俎以

無升文明。此不降也。敖氏繼公曰。醢在西者。為降設于其位。則

脯當在南也。賓位于庭北上。而脯醢南上。亦席豆相變

之意也。上賓一體。又無脊脅。遠別於堂上者也。用切肺

者。賓設俎于堂。故亦因尸禮。肺繼胃言之。羊肺可知。

賓坐。左執爵。右取脯。揆于醢。祭之。執爵興。取肺

坐。祭之。祭酒。遂飲。卒爵。執以興。坐奠爵。拜。執爵

以興。主人答拜。受爵。賓坐。取祭以降。西面坐。委

于西階西南。執以興。石經。執下有爵字。

鄭氏康成曰成祭於上尊賓也。取祭以降。反下位

也。反下位而在西階西南。已獻尊之。賈疏初位在門東。今得獻反在西階

南與主人相對。已獻尊之故也。若祭脯肺。賈疏經云取

燕禮士得獻位于東方。亦是尊之。脯肺。脯取肺祭之

明是李氏如圭曰賓自門東而位于西階西南。猶燕

禮士立于西方。已獻而位于東方也。眾賓以下。則已獻

而設薦俎于其位。敖氏繼公曰賓取祭以降。以已所

有事。始也。宜親執之。西階西南。賓之正位也。既獻乃立

于此。尊者之禮。節文彌多。以相變為貴。執以興。似脫一爵字。

宰夫執薦以從。設于祭東。司士執俎以從。設于薦東。

敖氏繼公曰此設薦于祭東。則是凡祭于豆閒。乃

當其閒之前耳。此獻長賓。而宰夫司士薦。則自此以下。

皆私人為之明矣。宰夫司士大夫之私人也。

右主人獻長賓

眾賓長升。拜受爵。主人答拜。坐祭立飲。卒爵。不

拜既爵

鄭氏康成曰長賓升者以次第升受獻言眾賓長拜則其餘不拜。

宰夫贊主人酌若是以辯辯受爵

注此文若為如辯皆為偏

正義敖氏繼公曰宰夫贊酌大夫尊也贊酌者主人以虛爵授宰夫宰夫為酌之於此乃言之者見獻賓一人乃贊酌也若是以辯謂皆如眾賓長升拜受爵以下之儀言辯受爵嫌或有不與者也

鄭氏康成曰主人每獻一人奠空爵于楹宰夫酌授于尊南

上篇云司宮尊兩甒于房戶之間同楹楹以廢尊非奠爵之具也且楹在北主人獻于西階上若一一奠于楹而受于尊南則其勞彌甚何用贊酌矣蓋主人立于西階上宰夫既酌于尊乃就而授之

其薦脯醢與胾設于其位其位繼主賓而南皆東面其胾體儀也

注此文儀皆為儀或為議

正義 鄭氏康成曰。徧獻乃薦。畧之。賈疏。若燕禮三卿已上得獻。即薦。大夫徧

獻乃薦。亦宰夫薦。司士胥儀者。尊體盡儀。度餘皆可用。亦其類。

而用之。尊者用尊體。卑者用卑體而已。亦有切肺膚。賈疏。

知衆賓用切肺者。以其侑用切肺。不敢殊于尸。明衆賓亦不敢殊于侑。 教氏繼公曰。特

牲禮。衆賓升拜受爵。坐祭立飲。薦俎設于其位。辨。此下

經言兄弟之儀云。升受爵。其薦胥設于其位。然則此薦

胥亦於每獻設之也。體儀謂或體或儀也。尊者用體折

卑者但用儀。且儀者。其脊若脅之屬與。又下云。長兄弟

之胥折脅一膚。一則此非折而儀者。惟有膚而已。

正義 設薦之節。及體儀之法。教氏與注說不同。以上下經

考之。則教尤可據。又案衆賓之位。繼上賓而南。所以

改位于西者。與兄弟各為班。乃可旅酬也。

右主人辨獻衆賓

乃升長賓。主人酌酢于長賓。西階上北面。賓在

左。

正義 鄭氏康成曰。言升長賓。則有贊者為之。主人酌自

有司徹

酢序賓意。賓卑不敢酢。賈氏公彥曰。特牲獻長賓訖。卽酢。此辯獻乃酢者。主人益尊。先自達其意。特牲主人獻內賓。辯乃自酢。以初不殊其長也。此大夫尊。初則殊其長故也。敖氏繼公曰。升長賓者。其宗人與。徧獻乃酢。變於士禮。賓辟尸不敢親酢主人。故主人自酢以達其意。

特牲與此篇主人於賓皆自酢。然則非以賓卑故也。特牲承室事。故獻賓長卽自酢。乃獻衆賓。此皆堂事。故

辯獻乃酢。與主人獻尸侑。而後尸酢主人一也。

主人坐奠爵拜。執爵以興。賓答拜。坐祭。遂飲。卒爵。執爵以興。坐奠爵拜。賓答拜。賓降。

正義鄭氏康成曰。降反位。敖氏繼公曰。賓降反位。則

主人亦就席矣。

右主人自酢

宰夫洗觶以升。主人受酌。降酬長賓于西階南。北面。賓在左。主人坐奠爵拜。賓答拜。坐祭。遂飲。

卒爵拜賓答拜。

正義鄭氏康成曰宰夫授主人解則受其虛爵奠于篚。

賈疏虛爵指上酢爵也宰夫既授解訖因取主人自酢之虛爵降奠于篚知者以上主人無降文明主人手中虛爵宰夫受之奠于篚可知

也此亦異於士

敖氏繼公曰宰夫授解于上便其酌

主人洗賓辭主人坐奠爵于篚對卒洗升酌降復位賓拜受爵主人拜送爵賓西面坐奠爵于薦左。

正義敖氏繼公曰位西階南之位也以特牲禮例之此

時當西面主人拜亦北面也賓西面奠爵于薦左也便

也說見特牲禮薦左薦北賈氏公彥曰賓奠薦左者

後舉之以為無算爵也

右主人酬賓

主人洗升酌獻兄弟于阼階上兄弟之長升拜受爵主人在其右答拜坐祭立飲不拜既爵皆若是以辯辯受爵。

鄭氏康成曰兄弟長幼立飲。賤不別。賈疏。特性士卑。長兄弟為貴。殊貴賤。長兄弟如賓儀。坐飲也。至于大夫。兄弟長幼皆立飲。不得如賓儀。教氏繼

公曰。獻兄弟不殊其長。與眾賓同。亦大夫禮異也。不言宰夫贊主人酌。畧其文耳。兄弟卑於眾賓。主人於其次者。不親酌。可知。下獻內賓。放此。此獻亦西南面。

案特性獻賓。獻兄弟各殊其長者。賓在西。兄弟在東。其班異。故兩殊之也。此則賓在門東。兄弟在洗東。其班異。同。故第殊賓之長而已。凡行禮之節。始嚴而漸和。始嚴

而漸安。獻眾賓已贊酌矣。則獻眾兄弟從同可知。主人洗升酌。特為長兄弟一人耳。兄弟雖親昵。宰夫私臣也。贊酌何嫌焉。

鄭氏康成曰大夫之賓尊于兄弟。宰夫不贊酌者。兄弟以親昵來。不以官待之。賈疏。大夫賓貴。使宰夫贊酌。今為兄弟是親昵。故雖

賤。不使人贊酌而親之。

其位在洗東。西面北上。升受爵。其薦胥設于其位。

正義鄭氏康成曰先著其位于上乃後云薦胥設于其

位明位初在是也。賈疏謂發此位升堂受爵受爵時設薦胥于洗東西面位。位不繼

主人而云洗東卑不統于尊。賈疏特牲兄弟位主人之南者士卑故繼主人此大

夫尊薦胥皆使私人。敖氏繼公曰又著兄弟長以

下既獻之位及其設薦胥之節也至此乃言其位者因

文而見之升受爵謂每人升受爵之時也於其受獻則

為之設薦胥于位明不俟其降也鄉飲酒禮眾賓每一

人獻則薦諸其席是禮似之此不言宰夫贊酌上獻眾

賓不言升受爵而設薦胥其禮同故互文以相足也

義兄弟位本應繼主人而南以賓位在門東北故不可

直繼主人而退於洗東所以讓賓也疏謂受爵時即設

薦胥則非辯獻乃薦明矣。

義鄭氏康成曰復言升受爵者為眾兄弟言也眾兄

弟升不拜受爵。

義上云皆若是以辯皆眾兄弟也若是謂酌獻拜受

坐祭立飲不拜既爵也則眾兄弟受爵亦拜可知矣言

受爵辨。卽當云薦胥設于其位矣。乃著其位者。特牲統于主人。此不統于主人。故須著之。明位在洗東而受爵。則由此位而升也。

其先生之胥折。胥一。膚一。其衆儀也。

正義 鄭氏康成曰。先生。長兄弟。折。豕左肩之折。賈疏。知折是豕。

左肩之折者。以上初亨牲體。明侑俎豕左肩折。注云。折分爲長兄弟俎。是也。

教氏繼公曰。

胥猶俎也。先生胥折。其衆則儀。亦以此別長幼也。無離肺者。因上賓俎也。俎不設于堂。故無切肺。

右主人獻兄弟

主人洗獻內賓于房中。南面拜受爵。主人南面于其右答拜。

正義 鄭氏康成曰。內賓。姑姊妹及宗婦。賈疏。約特牲記而知。獻于

主婦之席東。主人不西面。尊不與爲賓主禮也。賈疏。特牲獻內

兄弟于房中。如獻衆兄弟之儀。主人西面答拜。此大夫禮。主人南面拜。不與爲賓主之禮。南面于其

右。主人之位恆左人。賈疏。左人。謂人在主人左。教氏繼公曰。獻之

蓋東北面。受送之拜皆南面。猶堂上之皆北面也。

教氏繼公曰。洗不言降。是洗手房也。

坐祭立飲。不拜既爵。若是以辯。亦有薦齊。

鄭氏康成曰。亦設薦齊于其位。賈疏言亦者亦。上先生之等。特

牲記曰。內賓立于房中西墉下。東面南上。宗婦北堂。東

面北上。賈疏引特牲記者欲見內賓設薦之位處。教氏繼公曰。若是以辯。

謂長幼拜受之儀同也。不言辯受爵。已於衆賓兄弟見

之可知也。

右主人獻內賓

主人降洗。升獻私人于阼階上。拜于下。

人答其長拜。乃降。坐祭立飲。不拜既爵。若是以

辯。宰夫贊主人酌。主人于其羣。私人不答拜。其

位繼兄弟之南。亦北上。亦有薦齊。

鄭氏康成曰。私人。家臣也。北上。不敢專其位。賈疏以其

兄弟北上。今繼兄弟之南亦北上。與兄弟位同。初亦北面在衆賓之後耳。言繼

者以爵既獻為文。凡獻位定。賈疏未獻時在衆賓後。凡獻以前非定位也。

教氏繼公曰。私人猶私臣也。獻私人而降洗。重獻禮也。

拜于下而降飲賤也。獻亦西南面于東楹東而拜于其右。私人賤故但答其長拜以殊之。自獻衆賓至此其獻凡四節。惟前後兩言宰夫贊主人酌所以見其間二節之不言者爲省文耳。此言於若是以辯之後見獻私人之長卽贊之也。以是例之則獻內賓以上主人所親酌者惟於其長益可見矣。此位亦北上者賤於兄弟故其位繼其後而不更端也。特牲記言衆賓衆兄弟內賓宗婦公有司私臣其俎同然則此禮內賓以及私人其俎亦皆儀而有膚矣。大夫無獻公有司之禮豈其私臣多足以任其事不用公有司與。或公有司在衆賓之中不必別見之與。

案國卿之尊於私人之長乃降洗以獻之而答其拜所謂治家者不敢忽于臣妾也。故平時能得人之懽心以事其親而臨難則死其長先王以祀禮教敬則民不苟當於此類求之。

鄭氏康成曰大夫言私人明不純臣也士言私臣。

明有君之道

賈疏。大夫尊近于君。故屈已之臣。名爲私人。士卑不兼近君。故得名屬吏爲臣。

論語 私人與私臣一也。但別於公家之臣耳。委贄而爲臣。

大夫之君亦君也。胡云不純乎。此注言士有君道。可見

他注謂士無臣者繆矣。

論語 季氏如圭曰。凡專其位者。雖其方皆別自爲上。士

喪禮大夫卽位于門外西面北上。兄弟在其南。南上賓

繼之。北上是也。

主人就筵

注古文曰升就筵

卒自右主人獻私人

尸作三獻之爵

禮記 鄭氏康成曰。上賓所獻爵。不言三獻。作之者賓尸

而尸益卑。可以自舉。賈氏公彥曰。三獻是上賓。不言

上賓而言三獻者。以上賓舉三獻。因號上賓爲三獻。是

以事名官也。作其爵者。以神惠均于庭。訖欲使尸飲此

酒。敖氏繼公曰。主人畢獻而就筵。三獻於是升立于

西階上。口乃舉爵也。此與不賓尸之禮。皆尸自作止爵。

不待獻者作之亦異於士。

上文尸奠三獻之爵者欲在庭遍得獻也。自主人獻長賓衆賓及兄弟內賓至私人而獻遍矣。故尸于此遂自舉三獻之爵是禮節逢相接者。

賈氏公彥曰此一節內凡有四爵尸作止爵一也。獻侑二也致爵于主人三也受尸酢四也。

司士羞清魚縮執俎以升尸取膾祭祭之祭酒卒爵。

鄭氏康成曰不羞魚七清畧小味也。羊有正俎羞

七清肉清豕無正俎魚無七清隆殺之辨。賈疏羊豕牲之等魚無以魚為小味畧之也。有者為隆盛無者為殺少。

賓尸三鼎羊為上鼎主人初獻羞之豕為中鼎主婦

亞獻羞之魚為下鼎故賓三獻之節羞之也。

司士縮奠俎于羊俎南橫載于羊俎卒乃縮執俎以降尸奠爵拜三獻北面答拜受爵。

敖氏繼公曰橫載者於俎為橫與牲體同也。不縮

有司徹

載者。正俎之實已多。又加以益送之俎。故載魚於此。不得象其在魚俎也。尸既卒爵。乃執虛爵以待執俎者降。而後奠爵拜。行禮之序於此可見。

右尸作止爵

酌獻侑。侑拜受。三獻北面答拜。司馬羞清魚。一

如尸禮。卒爵拜。三獻答拜受爵。司馬當作司士

正義 敖氏繼公曰。卒爵與拜。其節宜與尸同。此畧言之

耳。下文主人亦然。

鄭氏 康成曰。司馬羞清魚。變于尸。賈疏上文尸使司士羞魚。此佈

使司馬羞魚。變于尸也。

敖氏 繼公曰。司馬當作司士。字之誤也。上下皆司

士為之。此不宜使司馬。且司馬惟主羊俎耳。羞清魚非

其事也。

前 升俎時。司士牝魚。亦司士載。其於尸主人皆司士

羞之。則此羞於侑者。亦司士而不以司馬明矣。無庸強

為之辭。

酌致主人。主人拜受爵。三獻東楹東北面答拜。司士羞一清魚如尸禮。卒爵拜。三獻答拜受爵。

敖氏繼公曰。賓拜東楹東者。以與主人為禮。則不敢獨拜西階上。辟尸也。此與作如尸禮。皆兼祭酒而言。

不致爵于主婦。變於不賓尸之禮。鄭氏康成曰。賓拜

於東楹東。以主人拜受于席就之。賈疏。賓於禮當在西

階。是以拜于東楹東就之也。

賓三獻而尸爵止。尸意欲均神惠也。尸爵既止。則賓

不得遽行獻。侑致主人之禮。主人緣尸之意而達之。於

是獻賓獻兄弟。獻內賓。獻私人。既辯。尸顧之。樂可知也。

乃自作止爵。與賓三獻遙接。而後賓乃終獻。侑及致主

人之禮焉。於三獻爵止之後。尸作止爵之前。闕此許多

事於其中。實則猶是賓長獻尸之一節也。

右上賓獻侑致于主人

尸降筵受三獻爵酌以酢之。

鄭氏康成曰。既致于主人。尸乃酢之。遂賓意。賈疏。賓雖

不言其意欲得與主人為禮。今尸見賓既致爵于主人訖。即酌以酢賓。是遂賓意也。

教氏繼公

曰賓尸則尸與侑主人為序。故俟其畢獻乃酢之。酢而不洗亦因室中之禮也。賓尸而不因室中之禮者。惟主人耳。

三獻西楹西北面拜受爵。尸在其右以授之。尸升筵南面答拜。坐祭遂飲。卒爵拜。尸答拜。執爵以降。實貝于篚。

正義 教氏繼公曰。尸在其右。並授也。並授而不同面拜。

遠辟主人獻賓之禮也。云執爵以降。則是既卒爵亦降之而拜矣。

禮記 尸升筵南面答拜。因受爵之禮也。受爵時亦於筵上

南面拜。尸酢主人。主人拜于東楹東。尸拜于西楹西。尸

酢主婦。主婦拜于主人席北。尸亦拜于西楹西。此酢賓

異者。賓與尸為禮。則皆不可以東。賓受爵于西楹西。則

尸又不得拜于其右。若拜于其右。則嫌同於主人也。故

唯有筵上南面答拜而已。

右尸酢上賓

二人洗觶。升實爵。西楹西北面東上。坐奠爵拜。執爵以興。尸侑答拜。坐祭。遂飲卒爵。執爵以興。坐奠爵拜。尸侑答拜。皆降。

正義

熬氏繼公曰。二人舉觶為旅酬始也。中庸云。旅酬

下為上。其是之謂與。

鄭氏康成曰。三獻而禮小成。

賈疏

三獻後。乃有加爵之等。終備乃。是禮之大成。故此云小成也。

使二人舉爵。序慤勤於

尸侑。

賈疏飲酒之禮。酬與無算。乃盡歡心。故以此為盡慤勤於尸侑也。

賈氏公彥曰。

鄉飲酒。鄉躬及特性。皆一人舉觶為旅酬始。二人舉觶為無算爵始。今以二人為旅酬始者。此賓尸別一禮。與彼不同。其初時主人酬尸。尸奠之。侑未得酬。故使二人舉觶。侑乃奠而不舉。侑既奠一爵。尸一爵遂酬于下。是以須二人舉觶。

正義

二人蓋皆賓之弟子。以舉觶于尸侑。故不用兄弟之

弟子。而堂上位在西楹西也。尸侑皆降。因主人酬尸之禮。但不辭洗耳。於賤者舉觶。亦不安於上位。敬也。

洗升酌反位。尸侑皆拜受爵。舉觶者皆拜送。侑奠觶于右。

禮記 燕義 公曰。反位于西楹西。俟拜也。受爵亦於其席。拜送亦於其位。舉觶者不奠觶于席前。不變於主人之儀也。侑奠觶不言坐。文省也。于右亦由便耳。右糗南。**禮記** 上主人酬尸以終獻禮。侑則不酬。以其禮主於尸。故侑殺也。二人舉觶并酬侑。見侑之次於賓也。侑觶若舉。則嫌竝於尸。是以奠之而終不舉。

禮記 鄭氏康成曰。奠于右者不舉也。神惠右不舉。變於飲酒。

禮記 神惠右不舉。鄭即據此耳。然上經主人酬尸。尸則奠于薦左。彼亦不舉。何以一左一右乎。又特牲主人酬賓。賓取奠于薦右。兄弟弟子舉觶於其長。如主人酬賓儀。此皆舉者也。而奠于右。然則神惠右不舉之云。不可據也。

右二人舉觶于尸侑

尸遂執觶以興北面于阼階上酬主人。主人
右。

鄭氏繼公曰。言遂執觶以興。是鄉者亦執觶以坐而俟也。尸雖不奠觶猶坐。以其當然也。**鄭氏**康成曰。

尸拜于阼階上。酬禮殺。賈疏。上文尸酢主人。主人東楹。東北面拜受爵。尸西楹西北面

答拜各于其階。今同于阼階。禮殺也。

坐奠爵拜。主人答拜。不祭。立飲卒爵。不拜既爵。酌就于阼階上酬主人。

鄭氏繼公曰。亦執觶興。主人乃答拜也。此酬主人

謂東面授之。如特牲賓兄弟旅酬之儀。**鄭氏**康成曰。

言就者。主人立待之。

士主人拜受爵。尸拜送。尸就筵。

鄭氏康成曰。酬不奠者。急酬侑也。賈疏。上主人酬賓奠之。

士主人以酬侑于西楹西。侑在左。坐奠爵拜。執爵興。侑答拜。不祭。立飲卒爵。不拜既爵。酌復位。侑拜受。主人拜送。主人復筵。

鄭氏康成曰言酌復位明授于西階上。 **敖氏繼**公曰復位而西面授之。下放之。

經言西楹西注言西階上。雖其地畧同。而西楹西則稍進矣。

乃升長賓。侑酬之。如主人之禮。

鄭氏康成曰遂旅也。

至于衆賓。遂及兄弟亦如之。皆飲于上。

鄭氏康成曰上西階上。

遂及私人拜受者升受下飲。

敖氏繼公曰私人拜而升受兄弟之爵。俟兄弟答

拜乃下也。惟云拜受。云下飲。是兄弟及私人飲時皆不

拜。次兄弟飲不拜者。以所酬者在下。難為禮也。私人飲

不拜者。因酬已者之儀。且賤者禮簡也。 **鄭氏康成曰**。

私人之長拜于下。升受兄弟之爵。下飲之。 **賈氏公彥**

曰。私人位在兄弟之南。今言下飲之。則私人之長一人

在階下飲之。其餘私人皆飲于其位。

私人不殊其長。蓋上經兄弟之長已不殊矣。私人自當從同。然其長則升受者。以其受兄弟之酬故也。

卒爵升酌以之其位相酬辯。

正義鄭氏康成曰。其位兄弟南位。亦拜受拜送。升酌由

西階。李氏如圭曰。卒爵受獻。惟答其長拜。故受酬亦

其長得升受。羣私人以之其位相酬耳。敖氏繼公曰。

以之其位。飲所酬者也。於此相酬。則私人之長其下飲

之時亦在此明矣。

卒飲者實爵于篚

正義鄭氏康成曰。未受酬者。雖無所旅。猶飲。賈疏雖無人可旅。猶

自飲之。訖乃實爵于篚。以其酒是前人所酬。不可不飲故也。

義衆賓兄弟飲于上。私人飲于下。酬無不逮者。神思均

也。位有上下者。名分殊也。

右旅酬

乃羞庶羞于賓兄弟內賓及私人

正義鄭氏康成曰。無房中之羞。賤也。敖氏繼公曰。別此於主婦以上也。

次定義禮義流
有司徹

羞同時羞則酌房中亦旅敖氏繼公曰兄弟酌以相酬之時房中亦旅賈

氏公彥曰羞內賓文在私人之上私人得旅酬則內賓

房中亦旅可知。

案內外之事悉主人統之而在內之事必以主婦分主之故獻內賓宗婦之禮雖自主人而旅酬于房中則以主婦亦相配相助之義也。

存疑鄭氏康成曰其始主婦舉觶于內賓遂及宗婦。

案特牲記云主婦及內賓宗婦亦旅則大夫賓尸房中

亦旅明矣但主婦酌觶以酬內賓之長奠之及兄弟相酬時內賓乃舉奠觶以酬主婦以遂之於下耳不可云主婦舉觶于內賓以舉觶乃賤者職也。

右羞于堂下及房中

兄弟之後生者舉觶于其長注古文觶皆為爵延燾中詔按書定作觶

正義鄭氏康成曰後生年少也。

洗升酌降北面立于阼階南長在左坐奠爵拜執爵以興長答拜。

中 敖氏繼公曰。此後生者舉解。與主人酬賓之儀畧同。似有為主人酬長兄弟之意。故位如主人而長在左。

存 鄭氏康成曰。長在左。辟主人。賈疏。凡獻酬之位。主人常在左。若北面則

主人在東。今長兄弟北面在左。則在西。故云辟主人也。

案 上經主人獻內賓。注云主人之位恆左人。疏謂人在

主人左也。此長在左。而舉解者在其右。正與主人之左人者無異。何云辟之乎。疏語尤不楚。其云常在左。蓋常左人之訛。

坐祭。遂飲。卒爵。執爵以興。坐奠爵。拜。執爵以興。長答拜。洗。升酌。降。長拜。受于其位。舉爵者東面答拜。爵止。

釋 鄭氏康成曰。拜受答拜不北面者。僎尸禮殺。賈疏。特牲

兄弟之後生者。舉解于其長為旅酬。又兄弟弟子舉解于其長為無算爵。拜送皆北面。此云東面。僎尸禮殺故也。長賓言奠。兄弟言止。互相發明。賈疏。上長賓言奠。明止而未行。此言止。明

亦奠薦左。故云互相發明。相待也。行之。相待俱時舉行。李氏如

寺曰。爵止。謂奠之。此爵與前主人酬賓之解。後並行為

無算爵。郝氏敬曰。爵止者。奠于薦右。待賓爵行。而後交相錯也。

右兄弟後生舉觶于其長

賓長獻于尸如初。無滴。爵不止。

正義鄭氏康成曰。賓長者。賓之長次。上賓者。非即上賓也。

如初者。如其獻侑酌致主人受尸酢也。無滴。爵不止。

賈疏。上賓獻尸時。尸奠爵待獻堂。別不如初者。賈疏。不

下。畢乃舉觶。今尸不止爵即飲。蒙如初

之文。則知其上異也。敖氏繼公曰。賓長。眾賓長即次賓也。但言

賓長者。亦獻于尸。不嫌與三獻者同也。此獻當用觶。不

言者。文省耳。特牲。長兄弟於三獻之後。洗觶為加爵。此

節與之同。器宜同也。上篇實觶于筐。其為此用與。不使

兄弟。不稱加爵。大夫禮異也。滴。謂滴魚。

正義鄭氏康成曰。不使兄弟。不稱加爵。大夫尊也。賈疏。特牲

云。長兄弟為加爵。又眾賓長為加爵。不言獻。不用觶。大

此言獻者。尊大夫。若三獻之外。更容有獻也。

夫尊也。賈疏。特牲加爵用觶。此用爵。爵尊于觶也。

義疏長兄弟不為加爵者。大夫之助祭者。賓兄弟初皆在

東方獻不殊其長。故於尸亦為加爵也。此獻亦加爵。不稱加爵者。大夫禮文。故辭異也。此用觚無疑。勺爵觚解實于篚。於此不用觚。惡乎用觚乎。

右次賓獻致

賓一人舉爵于尸如初亦遂之于下。

正義 敖氏繼公曰。賓一人。次賓之次者也。舉爵。即舉觚。

二人舉觶于尸侑之儀。其異者不及侑耳。亦

鄭氏康成曰。如初。

二人洗解之為也。遂之于下者。遂及兄弟。下至于私人。故言亦遂之于下也。

正義 鄭氏康成曰。上言無清爵不止。互相發明。

正義 上一節。次賓之加獻也。上賓之獻有清。又爵止。嫌加

獻亦同。故須明之。此舉觶為旅酬始也。與上節迥異。何

相發明之有。此注疑有訛錯。

右賓一人舉觶于尸遂旅酬

賓及兄弟交錯其酬。皆遂及私人。爵無算。

鄭氏康成曰長賓取觶酬兄弟之黨長兄弟取觶

酬賓之黨賈疏長賓取觶者是主人酬賓之觶長兄弟取觶者是後生舉于其長之觶惟已

所欲無有次第之數也敖氏繼公曰言皆遂及私人

則是賓及兄弟之奠觶先後迭舉而不並行也其禮則

賓長取觶酬兄弟長交錯以辯不拜私人之舉飲者洗

酌反之兄弟長乃取觶酬賓長亦交錯以辯卒飲者亦

洗酌反之賓與兄弟又皆迭舉如初爵行無數至醉而

止賓尸主於飲酒而堂上不行無算爵者此雖變於祭

禮然尸猶有餘尊不宜無所別異無算爵之儀太簡不

崇敬

旅酬後兄弟之後生舉觶于其長者以下行無算爵

時賓長有主人酬賓之奠觶可行長兄弟無奠觶可行

故也尸既與于堂上之旅酬而賓長復加獻賓一人又

舉爵于尸者以尸得與于堂上之旅酬不得與于堂下

之無算爵故於未行無算爵以前為尸倍致其殷勤也

旅酬時尸酬主人主人酬侑侑酬長賓遂酬賓兄弟

至于私人。酬無不辯。然堂上堂下東西各自爲酬。不交不錯。是爲正酬。乃直行。至爵行無算。乃有交酬。有錯酬。交酬者。長賓與長兄弟。次賓與次兄弟。衆賓與衆兄弟。東西往來。所謂交也。至錯酬。則隨其量之能飲。與情之夙好而相酬。如注云。惟己所欲。更無次第之數者。始干不醉無歸矣。故云交錯。

右堂下相酬無算爵

尸出。侑從。主人送于廟門之外。拜。尸不顧。

正義鄭氏康成曰。拜送之。敖氏繼公曰。送尸于廟門外。賓之也。

拜侑與長賓亦如之。衆賓從。

正義鄭氏康成曰。從者不拜送也。敖氏繼公曰。從從長賓也。

司士歸尸侑之俎。

正義鄭氏康成曰。尸侑尊。送其家。敖氏繼公曰。尸侑尊。司士徹俎而歸之。賓長以下。則自徹而授其人。以歸。

上文設俎羞俎之次。自賓長次賓司馬以至于司士。則司士卑也。故此歸尸侑之俎。亦使司士卑者宜終之也。是時長賓與衆賓皆出矣。司士不在衆賓之列。其爲私人可知。

主人退。

正義鄭氏康成曰。反于寢也。

有司徹。

正義鄭氏康成曰。徹堂上下之薦俎也。賓尸雖堂上。婦

人不徹。賈氏公彥曰。此篇首云有司徹。別無婦人也不賓尸。婦人乃徹室中之饌。敖氏繼公曰。徹阼俎與堂上下薦羞之屬也。婦人不徹。則所徹者不以入于房與

正義賈氏公彥曰。堂上有尸侑之薦俎。堂下有賓及兄弟之薦俎。皆徹之也。

正義堂上尸侑之俎。司士歸之其家矣。賓長而下。亦自授其人以歸矣。安得至此。又徹尸侑賓之俎哉。此徹者徹

主黨之薦俎羞與凡几筵器物之等也。

右尸出禮畢

圖賓尸之禮分三節。主人獻尸。主人獻侑。尸酢主人。一節也。主婦獻尸。主婦獻侑。尸酢主婦。二節也。賓長三獻尸。爵止。尸作止。爵賓長致爵于主人。尸酢賓。三節也。三節為之經。而正俎遞設。又以益送之。俎及燔俎。絡繹轉運往來升降為之緯。以此觀之。則諸俎之多少隆殺。與設俎之入之長次。皆秩然而有序矣。

若不賓尸

正義鄭氏康成曰。不賓尸。其牲物則同。不得備其禮耳。

賈氏公彥曰。自此至終篇皆不賓尸之事。從尸飲七

以前皆與賓尸者同。已後則以此續之也。敖氏繼公

曰。此下之禮。視賓尸者為少質。則是制禮之序。此先彼

後。如冠禮之醮與醴者然也。而上下篇以賓尸者為主。

至是乃更端言不賓尸者焉。周禮尚文。抑又可見。是雖

與冠禮言醴醮之序者不同。意則相類也。然既有新儀

又存舊禮。使夫人自擇而行之。是又聖人至公無我之心。固不專主於所尚而已。郝氏敬曰。凡饋食于室。賓尸于堂。少牢賓尸。故室中之事。比特牲爲簡。至賓尸而後禮備。若不賓尸。則室中事加詳矣。

正祭在室。主於嚴敬。賓尸在堂。則有懽欣和樂之情焉。踴躍鼓舞之象焉。若不賓尸。則尸未出室。猶全乎神。仍于室中行事。而主人主婦與尸祝佐食賓及兄弟私人。獻酬交錯。禮儀卒度。於和樂之中。多嚴敬之意。大抵與特牲後半相類。惟無嗣舉奠以辟國君耳。孝經所謂治家者不敢失於臣妾。而况於妻子乎。故得人之懽心。以事其親。於此乎可觀矣。



鄭氏康成曰。不賓尸。謂下大夫也。舊說云。謂大夫

有疾病。攝昆弟祭。曾子問曰。攝主不厭祭。不旅。不假。不

配。而此備有似失之矣。賈疏。曾子問注云。皆辟正主。厭

厭。厭神也。厭有陰有陽。迎主之

前。祝酌奠奠之。且饗是陰厭也。尸謾之後。徹薦俎。敦設

于西北隅。是陽厭也。此不厭者。不陽厭也。不旅。不旅酬

也。假。讀爲嘏。不嘏。不嘏主人也。不綏祭。謂今

有司徹

三

不賓尸之故非一。已詳見本篇之首。蓋上下大夫皆有賓尸之禮。亦皆有若不賓尸之禮。不以爵等殊也。舊說以此為攝主殺禮之祭。固為失之。康成辨之是已。而必屬之於下大夫。不亦泥乎。同一大夫也。舉盛祭則賓尸。稍殺則不賓尸。夫誰曰不可。春祠夏禴秋嘗冬烝。四時之祭殊名。則典禮不必盡同可見矣。注疏陽厭陰厭之解。已於特牲禮辨之。又見本篇之末。

則祝侑亦如之。

鄭氏康成曰謂尸七飯時。賈疏上篇尸食七飯告飽祝西面于主人之南

獨侑不拜侑曰皇及未賓侑是也 **郝氏敬曰**自迎尸入室以後至祝

侑尸食以前禮與賓尸同故曰亦如之。

尸食

鄭氏康成曰八飯。賈疏上巳七飯故知此當八飯

祝既侑而尸又食也。

乃盛俎臠。臂。肫。脰。脊。橫脊。短脅。代脅。皆牢。盛音成下同

鄭氏康成曰盛者盛於所俎也。此七體羊豕其脊

脅皆取一骨也。與所舉正脊幹骼凡十矣。肩未舉。既舉而俎猶有六體焉。賈氏公彥曰。特牲尸食訖乃盛。今入飯卽盛者。大夫禮與士相變也。先言臠。見從下起。不言肩。肩未舉。舉乃盛也。不言骼。骼已舉。先在俎。有司徹不盛俎者。賓尸之禮更無所用。全以歸尸故也。凡骨體之數。左右合爲二十一體。此猶有六體。謂三脊三脅皆取一骨。盛于所。各有一骨在俎。不取。以備改設也。李氏如圭曰。俎有十一體。三脊三脅皆二骨。既舉而三脊

三脊皆各遺一骨

敖氏繼公曰。先正體而後脊脅亦以

尊卑也。前體先臠。後臂者。肩未舉。若自下而上然也。此所取者三體四骨。與所舉正脊幹骼。則羊豕各四體六骨矣。肩既舉而俎但有六骨。以爲所釋者也。郝氏敬曰。盛俎謂佐食取衆俎之實。盛于所俎。祭畢歸尸。特牲尸九飯畢則盛俎。少牢賓尸則俎重。故不盛。

通論 賈氏公彥曰。案少牢注云。肩臂臠肱骨也。膊骼股骨也。鄉飲酒注云。前脰骨三。肩臂臠也。後脰骨二。膊骼

也。又後有髀。髀特牲記注云：髀後足也。凡體前貴於後，穀賤於臠，故數臠不數髀。是以髀不升於鼎，又髀在臠上，以竅賤。正俎不用，又脊有三分，前分爲正脊，次中爲脰脊，後分爲橫脊，脅亦三分，前分爲代脅，次中爲長脅，後分爲短脅，是其二十一體也。

魚七。

鄭氏康成曰：盛半也。魚十有五而俎。賈疏：少牢文。其一

已舉。賈疏：尸食時已舉。其一惟在十四在。敖氏繼公曰：魚盛七，並前所

舉者一，僅八而已。牢之骨體已多，此可以畧。特牲少故

魚盛十有三。

鄭氏康成曰：必盛半者，魚無足翼。賈疏：魚雖有翼不能飛，故曰無

翼於牲象脊脅而已。賈疏：牲六體十二骨，盛六是半。魚無足象牲脊脅亦盛半相似。

魚盛七者，爲俎釋三個。又有祝主人主婦之魚俎，實

必奇，故盛其半而止也。注以爲如脊脅之二骨，而各取

一骨可也。謂無足翼而然，則迂矣。腊則有足，而亦盛半

何以通乎。

腊辨無髀。

注古文髀作脾

鄭氏康成曰亦盛半也。

賈疏下文乃撫于魚腊俎。俎釋三个。明不盡盛。腊在

魚下。明盛半與魚同。

所盛者右體也。脊屬焉。

賈疏牲用右。知此亦盛右體。

賈

氏公彥曰。兩髀在祝俎。明無髀。

揚氏復曰。辨者。辨盛

右體也。注云盛半脊屬。則存乎俎者。左脛五體。並三脅

八體耳。敖氏繼公曰。前升腊于鼎俎時。不云髀不升。

故此明之。腊用一純。故得取其半云。辨者。明右體及其

脅與脊皆盛也。腸胃膚不盛者。以其於骨體為賤。既取

骨體則賤者畧之可也。

賈氏公彥曰腊脊不折。直為一段。代脅長脅短脅

各一體。左右三脅。脅骨合為六體。并脊為七。通肩臂等

十為十七體。與牲體同。肩既舉。俎唯十六在。言盛半。明

脊屬。

特牲記云腊如牲骨。是腊亦用體解之法也。體解則

脊亦分。正脊脰脊橫脊而為三矣。疏乃云直為一段。何

也。脊三并脅六為九。通肩臂等十為十九。肩既舉。則俎

有十八在。今所盛者半，而脊屬焉則十。通所舉之肩為十一也。脊無左右，故不得不屬於此。

卒盛，乃舉牢肩，尸受振祭，嚼之。佐食受加于胙。

[正義] 敖氏繼公曰：先盛衆骨體，乃舉肩，變於士禮，亦為舉肩之後，又實他俎，不宜與所俎之事並行也。

佐食取一俎于堂下，以入奠于羊俎東。

[正義] 郝氏敬曰：佐食又取堂下一虛俎入室。敖氏繼

公曰：羊當作魚字之誤也。

[正義] 鄭氏康成曰：不言魚俎東，主於尊。賈疏：少牢魚在羊東，今撫魚腊

宜在魚俎東而繼羊俎言之，以羊尊為主也。

[正義] 魚俎在羊俎之東，又東則繼魚俎而不繼羊俎矣。不

必強為之辭。

乃撫于魚腊俎。俎釋三个，其餘皆取之，實于一

俎以出。撫之，益反。个，古賀反。注今文撫為撲。

[正義] 鄭氏康成曰：个，猶枚也。魚撫四枚。賈疏：魚七，撫去四枚，釋三个。

腊撫五枚。賈疏：腊俎猶有八體在，撫去五枚。其所釋者，釋三个，釋者皆為改饌西北隅也。

腊則短脅正脅代脅魚三枚而已。

賈疏腊右體已盛脊又屬焉下文云主人

腊臂主婦腊臠祝則臠故知所釋者惟三脅耳

郝氏敬曰撫分取也魚腊各

留三个于本俎待改設其餘盡取之以出室也

祝主人之魚腊取于是。

禮記鄭氏康成曰祝主人主婦俎之魚腊取於此者大

夫之禮文待神餘也三者各取一魚其腊主人臂主婦

臠。祝則幣也與。賈疏主人臂主婦臠見下文祝此皆於用幣無正文故云與以疑之。

鼎側更載焉。賈疏撫時共在一俎以出及下設時各異俎又不同時故知更載云鼎側則不復升

鼎也。不言主婦未聞。賈疏下有主婦俎腊幣此也。不言主婦或傳寫者脫耳。故氏

繼公曰此亦大夫之禮異者也取于是者主人主婦之

魚腊及祝之魚也。祝俎之腊用幣。賓與不儻同耳。

禮記特性士禮祝主人主婦之俎皆無魚腊。少牢正祭祝

俎腊兩髀屬于尻。此不賓尸者亦當然也。主人主婦正

祭時不設俎。至賓尸減五鼎為三鼎則腊不用。而以魚

為益送之俎。賓尸無祝而有侑。侑主人主婦皆有魚俎

為之益送焉。此不賓尸則無益送之魚。故於此即分尸

俎之魚。以入于主人主婦之俎。所以見雖不賓只。而此禮實自賓尸而殺也。既取魚。因亦兼取腊。主人主婦既有魚腊。則祝俎雖已有腊。亦當益之以魚。以其與賓尸之侑差類也。此則視賓尸之禮為殺而比特牲則隆矣。祝腊骼臆說。非經例。

尸不飯告飽。主人拜侑。不言尸。又三飯。飯父晚反

鄭氏繼公曰。惟云主人拜侑。省文。鄭氏康成曰。

凡十一飯。士九飯。大夫十一飯。其餘有十三飯。十五飯。

賈疏。士大夫既不分命數。則諸侯同十三飯。天子十五飯可知。

大夫十一飯。既不分命數。則賓尸不賓尸。不分上下。大夫可知。

佐食受牢舉如儻。儻臂印反。一音賓下並同。

鄭氏康成曰。舉肺脊。敖氏繼公曰。此儻者。賓之

之謂。蓋指賓尸之禮也。惟言賓。則意有所不備。故以儻言之。經先見儻禮。已有成文。故此以如蒙之。省文耳。不言如初者。見是禮原不在儻禮後也。

少牢篇上佐食受尸牢肺正脊加于所之時乃室中行事此時去賓尸時尚早經乃云如儻者謂如其有儻尸之禮耳後凡言如儻者放此

右不賓尸尸食之禮

主人洗酌醕尸賓羞肝皆如儻禮卒爵主人拜祝受尸爵尸答拜

正義鄭氏康成曰肝牢肝也。敖氏繼公曰自卒爵以下不蒙如儻禮者欲與後禮相屬也。凡與儻禮同而重

見之者其意皆然

右主人酌尸

祝酌授尸尸以醋主人亦如儻醋酢同

正義敖氏繼公曰此與上文所謂儻者皆前篇室中之

事初非儻禮乃以儻為文者以其已入儻之節內故爾

下文放此

其綏祭其嘏亦如儻注綏古文為換教本從古文作換

正義鄭氏康成曰綏皆當作接。接讀為藏其隋之隋。賈疏

有司徹

守祧
職文。

賈氏 敖氏繼公曰。換亦當作授。換去授字。又差近也。

右尸醋主人

其獻祝與二佐食。其位其薦胥皆如儻。

賈氏 敖氏繼公曰。祝之薦胥如儻。則牢與腊皆髀明矣。

祝於儻亦有肝從不言者。與佐食連文。故畧之耳。惟言位與薦胥。不及其儀者。可知也。下文類此者皆然。

賈氏 公彥曰。此主人獻內有五節。主人獻尸一也。

酌主人二也。獻祝三也。獻上佐食四也。獻下佐食五也。

右主人獻祝佐食

主婦其洗獻于尸亦如儻。

賈氏 敖氏繼公曰。此如儻。謂拜送爵以上之禮。

公彥曰。此主婦獻尸節內。爵數與主人同。惟不受嘏。

主婦反取籩于房中。執棗糗坐設之。棗在糗南。糗在棗南。婦贊者執栗脯。主婦不與受。設之。栗在糗東。脯在棗東。主婦與反位。

次定義曲豈義充
有司微

正義 鄭氏康成曰。棗饋食之籩。糗羞籩之實。賈疏據籩人職而言

雜用之。下賓尸也。賈疏案上賓尸時。禮賁白黑糗脩之

也。雜 栗脯。加籩之實也。反位。反主人之北。拜送爵位。賈

氏公彥曰。此設籩實。繼在少牢室內西南隅。案上賓尸。

主婦亞獻尸。設籩。直有糗脩二籩。此主婦亞獻有四籩。

者。賓尸之禮。主人獻尸。主婦設四籩。麩黃白黑。故至主

婦獻時。直設糗餌與脯脩二籩。通前四籩為六籩。此主

人初獻無籩從。故至主婦亞獻設四籩。猶自少於賓尸

兩籩。教氏繼公曰。籩位自左而右。績之變於敦位也。

此從獻之禮。饋則闕之者。詳於堂上。故畧於室中。隆殺

之宜也。

圖 無籩從。殺于賓尸之初獻。而四籩隆于賓尸之亞獻。

有所屈有所申之義也。

通論 教氏繼公曰。此饋食之禮。則四籩者。其饋食之籩

與。周官籩人職。饋食之籩五。有棗栗而無糗脯。蓋棗下

脫糗栗下脫脯也。天子諸侯饋食之籩亦八。當與豆數

有司徹

同

國教氏言籩人職有脫文。頗為得閒。蓋籩豆皆偶。不應饋食之籩僅五物而止也。然據此經加之糗脯。猶缺其一。而經文未可輕變。姑闕所疑。或以糗為羞籩之實。脯為加籩之實。饋食不應重用之。則豆實之醢醢魚醢亦兩見矣。

尸左執爵。取鬯。糗。祝取栗脯以授尸。尸兼祭于豆。祭酒啐酒。次賓羞牢。燔用俎。鹽在右。尸兼取燔。揆于鹽。振祭。濟之。祝受加于所

正義 鄭氏康成曰。自主婦反取籩。至祝受加于所。此異

于賓。賈疏。上篇主婦但有獻而已。無籩燔從之事。此篇不賓尸。主婦亞獻尸。乃有籩燔。故云異于賓也。

卒爵。主婦拜。祝受尸爵。尸答拜。

右主婦獻尸

祝易爵。洗酌授尸。尸以醋主婦。主婦主人之北拜。受爵。尸答拜。主婦反位。又拜。上佐食。綏祭如賓。卒爵拜。尸答拜。

注今文醋為酢

有司徹

鄭氏康成曰主婦夾爵拜為不賓尸降崇敬賈疏特牲

主婦不夾爵拜。上篇主婦夾爵拜。此為不賓尸降崇敬。故夾爵拜。 敖氏繼公曰。此夾

爵拜。內子正禮也。儻則畧之。

少牢正祭于室與賓尸于堂。主婦獻尸皆夾爵拜。可

見其為正禮也。其受尸酢則否。以有兩番獻。故於酢畧

之。此不賓尸受酢與獻尸同。亦仍是兩番夾爵拜耳。

右尸醋主婦

主婦獻祝其酌如儻拜坐受爵。主婦主人之北

各拜

鄭氏康成曰自尸卒爵至此與儻同者亦在上篇

謂同上篇正祭亞獻祝之儀。

宰夫薦棗糗。坐設棗于菹西。糗在棗南。祝左執

爵取棗糗祭于豆。祭祭酒。啐酒。次賓羞燔如尸

禮。卒爵。

鄭氏康成曰內子不薦籩。祝賤使官可也。賈疏案左傳。趙

姬請逆叔隗以為內子。國語。卿之內子為大帶。則內子御妻也。特牲主婦設籩者。士妻卑也。上文尸與下文生

有司徹

人箋皆主婦設之。此使宰夫設簋。故云祝賤使官可也。自宰夫薦至賓羞燔亦異

于儻。賈疏少牢主婦獻祝。祝亦無簋燔從一事。教氏繼公曰。內子不薦而

使官為之者。遠下尸。亦大夫禮異也。士禮。主婦薦豆簋

于祝。財亦下豆。故祭者酌卒爵。而主人受爵。飲也。

主婦受爵。酌獻。二佐食。亦如儻。主婦受爵。以入

于房。

教氏繼公曰。祝卒爵。而主婦受。是亦不拜。既如儻

也。自此以上如儻者。皆在前篇。

如儻二字。統少牢正祭。與有司徹之賓尸。而兼言之。

接其節次。以如之也。此主婦獻。二佐食。如儻者。如止祭。

主婦之獻。佐食亦酌獻之。于尸內。佐食北面拜坐受爵。

主婦西面答拜。祭酒卒爵。而坐授主婦也。

右主婦獻祝佐食

洗爵獻于尸。尸拜受。賓尸西北面答拜。爵

止。

鄭氏康成曰。尸爵止者。以三獻禮成。欲神惠之均

于室中。是以奠而待之。敖氏繼公曰。此三獻爵止之。義與特性禮同。受爵而即止。亦大夫禮異也。 郝氏敬曰。少牢正祭。賓長三獻尸。尸卒爵。酢賓長。賓長又獻祝。祝啐酒。奠爵。而主人出。尸遂起。不賓尸。則賓長獻尸。尸受奠而不舉。待主人主婦交致爵而后舉。與特性禮同。

右賓長獻尸爵止

主婦洗于房中。酌致于主人。主人拜受。主婦尸西北面拜送爵。司宮設席。

正義

鄭氏康成曰。拜受乃設席。異于士也。

賈疏。特性禮未致爵已設

席。敖氏繼公曰。設席亦於主人立處之南。

圖 特性主人席于戶內。主婦洗致于主人。不著設席之入。賓尸主婦致爵于主人。主人筵上拜受爵。其筵之設在受尸酢時。司宮設之。此云主婦尸西北而拜送爵。司宮設席。則亦其異者。

主婦薦韭菹醢。坐設于席前。菹在北方。婦贊者執棗糗以從。主婦不興。受設棗于菹北。糗在棗

西佐食設俎臂脊脅肺皆牢。膚三魚一腊臂。

鄭氏康成曰臂左臂也。賈疏右臂尸所用故知左臂特牲五體。

此三者以牢與腊臂而七。賈疏特牲一豕故作俎用五體此經牢兼羊豕臂脊脅俱

有是六也。通牢腊俱臂亦所謂腊如牲體。賈疏特牲記云腊如牲骨

腊臂而七。骨即體也此腊臂直一骨無並上文腊撫五枚左肩臂

膈膊幣今主人不用肩而用臂以羊豕皆用臂故腊亦

用。教氏繼公曰腊臂亦左臂也肺離肺也脊脅各一

骨脊脅之數皆少者以俎實多故爾亦遠下尸也魚一

亦橫之與牲腊異既設俎主人乃升筵坐與主婦升筵

之節同。
上文云主人之魚腊取于是此魚一腊臂即上之佐

食所撫者也此設之亦佐食。

主人在執爵右取菹揆于醢祭于豆閒遂祭籩

奠爵興取牢肺坐絕祭臠之興加于俎坐挽手

祭酒執爵以興坐卒爵拜。

鄭氏康成曰無從者變於士也。賈疏特牲主婦致爵于主人肝燔並

從。教氏繼公曰此籩祭不贊且無從與士禮異者其

次定義禮義流 卷四下 有司徹

辟尊者之禮與。此牢肺則絕祭臍之者各一也。亦卒爵于席者室中之禮。已在席則宜卒爵于席。不必於拜受之處成禮也。與坐卒爵。

主婦答拜受爵酌以醋。尸內北面拜。

正義鄭氏康成曰。自醋不更爵殺。

主人答拜。卒爵拜。主人答拜。主婦以爵入于房。

正義楊氏復曰。自主人酌尸以後。其節大率與特牲禮

同。主人不致爵于主婦為異。郝氏敬曰。司宮設席于

尸內主人立處之南。其薦二籩二豆一俎。主婦受爵自酌。皆與賓尸異。自此以下之禮。賓尸皆行于堂。不賓尸皆行于室。所以異也。

正義特牲夫婦交致。而又自酌。此惟主婦致而自酌者。主人尊則主婦稍降也。累而上之。至于天子諸侯則夫婦之間愈尊嚴矣。至若特牲主婦之俎。與少牢不賓尸主婦之俎。所下于主人者。惟俎實不同而已。賓尸主人益送之俎與尸司而主婦止羞羊燔者。婦人之禮。於堂事

則尤殺也

右主婦致爵于主人自酌

尸作止爵。祭酒卒爵。賓拜。祝受爵。尸答拜。

正義鄭氏康成曰。自爵止至自作止爵。亦異于僎作止

爵。乃祭酒。亦變於士。賈疏。特牲祭酒訖。乃止爵。經云燔

酒。故云。變于士。教氏繼公曰。尸受爵而即止。故於是祭之。

於三獻而無從。與士禮異者。其亦辟尊者之禮與。

通論賈氏公彥曰。賓尸止爵在致爵前。其作之在獻私

入後。欲神惠之均于庭。此止爵在主婦致爵前。作之在

致爵後。欲神惠之均于室中。

祝酌授尸。賓拜受爵。尸拜送。坐祭。遂飲卒爵拜。

尸答拜。

正義教氏繼公曰。此賓受酌不夾爵拜。而卒爵之儀又

畧。以其閒有爵止之事。既變於上。故此儀亦不得同於

主人。是與僎少異者也。

右尸作止爵。酌賓

獻祝及二佐食

鄭氏 敖氏繼公曰賓獻祝亦北面拜。獻佐食亦西面拜。與上篇此節獻祝不卒爵，又不言獻佐食之禮。此經文畧也。其或以主婦獻禮通之與。特牲禮曰獻祝及佐食皆如初。

右賓長獻祝佐食

洗致爵于主人，主人席上拜受爵。賓北面答拜。坐祭，遂飲卒爵，拜。賓答拜受爵。

鄭氏 康成曰洗致爵者以承佐食賤新之。敖氏

繼公曰主人雖拜于席亦立受爵與祝異。

酌致爵于主婦，主婦北堂，司宮設席東面。

鄭氏 康成曰東面者變於士妻。賈疏特牲記宗婦北堂東面北。注

云宗婦宜統於主婦，主婦南面此東面故云變於上妻。賓尸不變者賓尸禮異矣。

內子東面，則宗婦南面西上。賈疏此無正文鄭以意解之宗婦位繼主婦今主婦

與特牲宗婦位易處則宗婦位亦易處則宗婦位南面西上可知。內賓自若東面南上。

賈疏亦約特牲記文。敖氏繼公曰北堂謂立于北堂即所設席

次定義禮禮義疏 有司徹

之北也。

宗婦 敖氏繼公曰。特牲記云。宗婦北堂東面北上。主婦之席北堂東面。則在宗婦之北也。亦異於賓。此設席亦北上也。賓尸之禮。席主婦于房中南面。主婦立于席西。是東上而上左也。此禮設席雖變而東面。亦宜上左上。左則北上也。

宗婦 敖氏以宗婦不改特牲東面之位。似未必然。房中之祭幾何。既尊兩壺于西墻下。內賓繼而南矣。其北即北

宗婦位於此。恐不能容主婦之席矣。況其北又逼設洗之所乎。或席于宗婦之東。為兩層則可耳。注謂此宗婦南面。理自可通。意房中常位。本與特牲無異。屆賓致爵時。主婦乃與宗婦易處。既則反之。所以然者。其亦辟尊者之禮與。

主婦席北東面拜受爵。賓西面答拜。

鄭氏 康成曰。席北東面者。北為下。賈疏。曲禮席東鄉。西鄉。以南方

為上。故北為下。

次定義禮義流 卷四十一 有司徹

鄭氏 教氏繼公曰。席北上。主婦乃拜于席北者。以其先立于此。故由便也。不拜于席南者。其以切近於宗婦長之位。故與。

婦贊者薦韭菹醢。菹在南方。婦人贊者執棗糗。授婦贊者。婦贊者不興受。設棗于菹南。糗在棗東。

正義 鄭氏康成曰。婦人贊者。宗婦之弟婦也。

佐食設俎于豆東。羊臠豕折。羊脊脅祭肺一膚。

一魚一腊臠

正義 鄭氏康成曰。豕折豕折骨也。不言所折。畧之。特牲

主婦殼折。賈疏引特牲見彼是殼折。此不言骨名。是畧也。豕無脊脅。下主人。賈疏

上文主人有羊脊脅。羊豕四體與腊臠而五。賈疏上主人牢與腊臂而七。此五是畧。

教氏繼公曰。此肺。臠羊肺也。祭字誤衍爾。豕折而腊臠者。腊與牲並用。則宜敬其尊者。

案 上文云。祝主人之魚腊。取于是不言主婦。疏以為傳寫者脫耳。今此云腊臠。是主婦之俎。亦取于所撫者無

疑矣。又薦俎之設，籩燔之加，尸祝則於主人，初獻主婦。亞獻時，佐食之俎設於主人，初獻時，亞獻無加焉。賤故殺也。主人則於主婦致爵時，主婦則於賓致爵時，皆層遞相接爲之。不於尸酢時者，正祭嚴重，不與賓尸同故。皆於其專獻也。

主婦升筵坐左，執爵右取菹，換于醢，祭之。祭籩奠爵，興取肺，坐絕祭，濟之。興加于俎，坐挽手，祭酒，執爵興筵北東面立，卒爵拜。

鄭氏康成曰：立飲拜既爵者，變於丈夫。

賓答拜，賓受爵，易爵于篚，洗酌，醋于主人，尸西北面拜，主人答拜，卒爵拜，主人答拜，賓以爵降奠于篚。

鄭氏康成曰：自賓獻及二佐食至此，亦異于饋。

賈疏

少牢賓長獻，直及祝不及佐食，彼注云：不獻佐食，將賓尸禮殺，此不賓尸，故異。敖氏繼公曰：

易爵于篚，亦下篚也。自及佐食至此，亦饋之所殺者，其

義與上同。

賓尸主人獻尸獻侑尸醕而侑不醕主人獻賓及衆賓主人醕于長賓而衆賓不醕蓋醕者其主受獻者也不醕者其以次而連獻之者也賓致爵于主人主婦主人醕而主婦不醕又俟其併致于主婦而後主人醕之正同此例。

總論 賈氏公彥曰自賓長獻尸一節內凡有十爵獻尸一也主婦致爵于主人二也主人醕主婦三也尸醕賓四也賓獻祝五也獻上佐食六也獻下佐食七也賓致爵于主人八也致爵于主婦九也賓受主人醕十也

右賓長致于主人主婦

總論 敖氏繼公曰自是而後以至于末獻室中之事無復如賓者以內外之禮異故耳。

乃羞宰夫羞房中之羞司士羞庶羞于尸祝主人主婦內羞在右庶羞在左。

鄭氏 康成曰不賓尸則祝猶侑耳。

內羞庶羞 解詳見賓尸賓尸之禮羞于侑不賓尸則

蓋于祝。故注云祝猶侑也。

右羞于尸祝主人主婦

主人降拜衆賓洗獻衆賓其薦胥其位其酬醋皆如饋禮。主人洗獻兄弟與內賓與私人皆如饋禮。其位其薦胥皆如饋禮。

正義鄭氏康成曰此與饋同者在此篇。敖氏繼公曰此禮長賓之俎其異于饋者無切肺耳。

右主人獻賓至私人

卒乃羞于賓兄弟內賓及私人辨。

正義敖氏繼公曰卒謂皆獻畢也。獻畢卽羞之亦其節之異于饋者。鄭氏康成曰乃羞者羞庶羞。

右羞于堂下及房中

賓長獻于尸。尸醋獻祝致醋。賓以爵降實于篚。

正義賈氏公彥曰上賓長已獻尸訖此是次賓長爲加爵也。鄭氏康成曰致謂致爵于主人主婦不言如初者爵不止又不及佐食。敖氏繼公曰此亦洗觚以獻。

與特牲兄弟長加爵之器同。經見此禮之殺於上者。惟爵不止與不及佐食耳。餘則畧之。以其可知故也。

獻加獻也。言致復言醕者。醕于主人也。此一節內凡有六爵。次賓長獻尸。一也。尸醕。二也。獻祝。三也。致于主人。四也。致于主婦。五也。受主人酢。六也。此亦無長兄弟加爵義。已見賓尸。

右次賓獻致

賓兄弟交錯其酬無算爵。

鄭氏康成曰。此亦與饋同者。在此篇。李氏如圭曰。此兄弟舉觶于其長。亦當如饋禮。在羞于私人之後。賓長加獻之前。文不具耳。敖氏繼公曰。此亦饋不饋同也。不言如饋。未詳。此上之文不具者多矣。固不止如李氏所云也。

賈氏公彥曰。此堂下兄弟及賓行無算爵。似無旅酬。案特牲尸在室內。亦不與旅酬之事。而堂下賓及兄弟行旅酬。又使弟子二人舉觶爲無算爵。此不饋尸之

禮堂上與神靈共尊。不敢與人君之禮同。既與神靈共尊。故闕旅酬。直行無算爵而已。特牲堂下得獻之後。與神別尊。故旅酬無算爵。並皆行之。士賤不嫌與君同。故得備禮也。

圖旅酬與無算爵。分言之為二節。合言之總一旅酬也。此經文義甚明。賓筵詩云。舉酬逸逸。言旅酬而自該無算爵也。中庸云。旅酬下為上。朱子章句。義畧同。蓋由獻而有酢。由獻酢而有酬。由酬而有旅。由旅之爵有算。以至於爵之無算。若不行旅酬。無由驟行無算爵也。賈疏以為闕旅酬。直行無算爵。未必然。

右旅酬無算爵

利洗爵獻于尸。尸醕。獻祝。祝受。祭酒。啐酒。奠之。

圖

鄭氏康成曰。利獻不及主人。殺也。此亦異于賓。

賈疏

云殺者。上文賓長加爵及主人。此不及也。云異者。少牢無利獻賓尸之禮。佐食又不與也。

敖氏繼

公曰奠之。亦北面奠于其筵前也。祭事將畢。其禮漸殺。衆賓長獻不及佐食。故祝於此。亦不終其獻。以見已禮。

亦宜殺之意是亦異於士。

右上利獻尸祝

主人出立于阼階上西面。祝出立于西階上東面。祝告于主人曰利成。祝入主人降。立于阼階東西面。尸謾祝前。尸從遂出于廟門。祝反復位于室中。祝命佐食徹尸俎。佐食乃出尸俎于廟門外。有司受歸之。徹阼薦俎。

正義

鄭氏康成曰自主人出至此與儻雜者也。

賈疏雜謂有同

不先養徹主人薦俎者變於士。

賈疏士禮既餞乃徹阼俎此後前徹阼俎特

牲禮曰徹阼俎豆籩設於東序下。

敖氏繼公曰祝反

復位入于室中。主人亦入于室復位。經有脫文也。徹阼薦俎亦佐食為之。既徹阼俎則堂下俎畢出。與特牲禮同。

通論

孔氏穎達曰吉利成之位特牲。主人出立于戶外

西面少牢。出立于阼階上西面是尊者出稍遠也。楚茨詩孝孫俎位工祝致告鄭箋孝孫往位堂下西面位也。

明遠于大夫孝孫在堂下西面。則祝當於西階下告利成也。特牲告利成。卽云尸謾祝前主人降。少牢祝告利成。卽云祝入尸謾主人降。二者皆祝告主人以利成。是致尸意也。天子彌尊。備儀盡飾。益有節文。故祝入。又致孝孫之意。報尸以利成。然後尸乃起。此天子告利成之禮也。

右尸出祭禮畢

乃奠如饋。注古文。奠作餽。

鄭氏康成曰謂上篇自司宮設對席至上餽興出也。

右奠

卒奠有司官徹饋饌于室中西北隅南面。如饋之設。右几。扉用席。扉附胃反。注古文。右作侑。扉作弗。

鄭氏康成曰官徹饋者司馬司士舉俎。賈疏司馬主羊司士

七系明還遣此。二人舉之可知。宰夫取敦及豆。賈疏宰夫多主主婦之。今云官徹明非婦人。知宰夫爲之也。上文云宰夫羞房中之羞。又主婦獻祝。宰夫薦以此言之。則宰夫代主

婦徹饔豆。不令婦人改徹饌。敦豆變於始也。尚使官也。
及敦可知。賈疏少牢初設饌。主婦薦兩豆。宗婦一人贊兩豆。主婦
設一敦。宗婦贊三敦。是其始時婦人設之。今使宰夫徹
尚使官。故也。佐食不舉羊豕俎。親餽尊也。敖氏繼公曰。南
面亦大夫禮異也。

此改設也。注疏厭飫之說非是。詳見特牲禮。

納一尊于室中。

鄭氏康成曰。無玄酒。

司宮埽祭。

鄭氏康成曰。埽豆閒之祭。舊說云。埋之西階東。

案曾子問。凡幣帛皮圭為主。命埋之階閒。此豆閒之祭。埋之西階東。以神位在西。故近西階也。敖氏繼公曰。此據聘禮埋幣之處而言也。

右改設

主人出。立于阼階上。西面。祝執其俎以出。立于西階上。東面。司宮闔牖戶。

鄭氏康成曰。閉牖與戶。為鬼神或者尚幽闇。

祝告利成。乃執俎以出于廟門外。有司受歸之。

欽定義禮卷四十一 有司徹

衆賓出主人拜送于廟門外乃反。

鄭氏康成曰拜送賓者亦拜送其長。

婦人乃徹。

鄭氏康成曰徹祝之薦及房中薦俎。敖氏繼公

曰言婦人乃爲徹事也其事在下。

徹室中之饌。

鄭氏康成曰有司饌之婦人徹之外內相兼禮殺。

敖氏繼公曰室中之饌卽改設者也婦人徹此饌者。

爲其當以入于房與凡徹饌而以入于房者婦人乃得爲之不然則否室中之饋改饌而闔牖戶自闔牖戶至此須臾之頃耳然則改饌之不爲厭神益可見矣。

右禮畢。

案不賓尸之禮亦分三節主人獻尸尸酢主人主人獻祝獻佐食此一節也主婦獻尸尸酢主婦主婦獻祝獻佐食二節也賓長獻尸爵止尸作止爵尸酢賓賓獻祝獻佐食致爵于主人致爵于主婦酢于主人三節也。

又案士大夫常祭之外。當有殤與無後之祭。喪服小記云。殤與無後者。從祖祔食。若不祭曾祖。則諸父之無後者。於何祔之。此亦可見士雖一廟或二廟。而所祭不止於祖禰。大夫三廟。而所祭必及於高曾也。鄭注云。共其牲物。而宗子主其禮焉。然則殤與無後之祭。其別日與曾子問謂宗子殤。其吉祭特牲。不舉肺。無所俎。無玄酒。不告利成。是謂陰厭。注云。是宗子殤祭之於奧之禮。脫於祭祖禰時祔之。則奧既爲祖禰之所棲。不得又爲殤

之所棲。且同有牲俎。難於陳設也。若謂祭畢更行厭祭。則自質明。以至晏朝。亦云勞矣。尚堪再舉乎。以此推之。則宜於祭後之次日。舉殤與無後之祭。而所謂祔者。第於其昭穆相當之廟祭之。卽謂之祔耳。非必同時也。曾子問又云。凡殤與無後者。祭於宗子之家。當室之白。尊於東房。是謂陽厭。意其宗子殤與凡殤並有者。並祭之。一設于奧爲陰。一設于屋漏爲陽。如食閒之頃。乃徹之。與攝主不厭祭。則無此矣。無玄酒者爲陰厭。又見特牲

衆賓出主人拜送于廟門外乃反。

鄭氏康成曰拜送賓者亦拜送其長。

婦人乃徹。

鄭氏康成曰徹祝之薦及房中薦俎。敖氏繼公

曰言婦人乃為徹事也其事在下。

徹室中之饌。

鄭氏康成曰有司饌之婦人徹之外內相兼禮殺。

敖氏繼公曰室中之饌即改設者也婦人徹此饌者。

為其當以入于房與凡徹饌而以入于房者婦人乃得為之不然則否室中之饋改饌而闔牖戶自闔牖戶至此須臾之頃耳然則改饌之不為厭神益可見矣。

右禮畢。

案不賓尸之禮亦分三節主人獻尸尸酢主人主人獻

祝獻佐食此一節也主婦獻尸尸酢主婦主婦獻祝獻

佐食二節也賓長獻尸爵止尸作止爵尸酢賓賓獻祝

獻佐食致爵于主人致爵于主婦酢于主人三節也。

又案士大夫常祭之外。當有殤與無後之祭。喪服小記云。殤與無後者。從祖祔食。若不祭曾祖。則諸父之無後者。於何祔之。此亦可見士雖一廟或二廟。而所祭不止於祖禰。大夫三廟。而所祭必及於高曾也。鄭注云。共其牲物。而宗子主其禮焉。然則殤與無後之祭。其別日與曾子問。謂宗子殤。其吉祭特牲。不舉肺。無所俎。無玄酒。不告利成。是謂陰厭。注云。是宗子殤祭之於奧之禮。脫於祭祖禰時祔之。則奧既爲祖禰之所棲。不得又爲殤

之所棲。且同有牲俎。難於陳設也。若謂祭畢更行厭祭。則自質明。以至晏朝。亦云勞矣。尚堪再舉乎。以此推之。則宜於祭後之次日。舉殤與無後之祭。而所謂祔者。第於其昭穆相當之廟祭之。卽謂之祔耳。非必同時也。曾子問又云。凡殤與無後者。祭於宗子之家。當室之白。尊於東房。是謂陽厭。意其宗子殤與凡殤並有者。並祭之一。設于奧爲陰。一設于屋漏爲陽。如食閒之頃。乃徹之。與攝主不厭祭。則無此矣。無玄酒者爲陰厭。又見特牲

少牢之初有玄酒者之非陰厭也。尊於東房者為陽厭。又見特牲與大夫不賓尸之末納一尊於室中者之非陽厭也。

欽定儀禮義疏卷第四十

